

PSE-EE-REN KRISIA. Gipuzkoako sozialistek ez dute baztertzen hautagai bat aurkeztea

Nicolas Redondo Aznarrekin bildu zen, Zapaterori jakinarazi gabe

PSOeko idazkariak bileraren berri bazuela esan du, eta «normala» dela hitz egitea

Erredakzioa | BILBO

Nicolas Redondoren eta Jose Maria Aznarren arteko bilera albisteak hautsak harrotu ditu alderdi sozialistaren barruan. SER irratia zabaltzen zuen PSEko idazkari nagusi ohia Espainiako presidenteari bildu zela. Bilera iaz egin zuten, Moncloa jauregian, uztailan, ez Zapaterok ez PSOeko beste inork ezer jakin gabe. PSOeko buruzagiak «normalizat» jo zuen Redondoren eta Aznarren arteko bilera, baina, aipatutako iturrien arabera, sozialistak asko haserretu ziren bileraren berri izan zutenean.

Redondorekin eta Espainiako presidenteari batera, Enrique Mujika Herzog Espainiako Herri Defendatzailea eta Nicolas Redondo Urbietak, Redondoren aita eta UGTko buruzagi historikoa, bildu ziren. SER irratia zabaldutakoaren arabera, PSOeko Zuzendaritza Federalak eta Jose Luis Rodríguez Zapaterok berak ez zuten bileraren berri izan. Gerora, bilera gertatu zela jakindakoan, «mesfidantza keinutzat» hartu zuten sozialistek Redondoren jokabidea.

Zapaterok ez zuen gauza as-

korik argitu, baina bileraren berri bazuela adierazi zuen, baina ez zuen zehaztu noiztik.

Bileran Redondo aita-semeak, Aznar presidenteari eta Mujika Herzogek Euskal Herriko egoera sozial eta politikoaz eta PSEren barruko kinkaz hitz egin zutela zabaltzen zuten aipatutako irratia. EAEko sozialisten idazkari nagusi ohiak, berriz, ukatu egin zuen gai horiez mintzatu zirela, eta «politikaz» hitz egin zutela esan zuen. «Bakoitzak bere egoeraz eta kezkez hitz egin zuen, eta gauza askotan, gainera, ez ginen iritzi berekoak».

Alderdi barruan *bilera sekretuaren* berri Zuzendaritzari eman ez izanak sortu duen zalapartaz galdetuta, Redondok esan zuen jakin behar duenak badakiela; «Eta, gainera, Zapaterok berak esan du hor nonbait jakinaren gainean dagoela», desenkusatu zen. Aspaldian egin dako bilera orain jakinarazi dutenen asmo «gaiztoak» ikusten ditu Redondok.

Redondoren aitak ere hitza hartu zuen atzo gai honen inguruan. UGTko buruzagi ohiaren esanetan, bere semeak «alderdi barruan ditu etsai nagusiak, eta ez kanpoan».



JOAQUIN SANCHEZ / EFE
Jose Luis Rodríguez Zapatero, atzo, Ceutan.

EZOHICO KONGRESUA

Hautagaitza bateratuaren bila

Gipuzkoako sozialistek ez dute baztertzen hautagai bat aurkeztea udaberriko Ezohiko Kongresura, atzo Europa Press albiste agentziak Gipuzkoako alderdi sozialistako iturriak aipatuz zabaldutakoaren arabera. Hala ere, aipatutako iturrien arabera, Gipuzkoako eta Bizkaiko sozialistek hautagai bakarra aurkezteko lanean dihardute. Kongresuari begira, Kudeaketa Batzordea hautagaitza bakarra egon dadin ari da lanean. Oraingoan, hala ere, bizkaitarrek eta gipuzkoarrek bat egiteak ez du ziurtatzen hautagai bakarra egongo denik, Redondoren aldeko korronteak tinko eusten diolako euren ideiak ordezkatzeko dituen hautagaia aurkezteko asmoari. Talde horrek atzo bertan adierazi zuen PSEren idazkari nagusi ohia aurkezten bada koordinaturik ekingo diola haren aldeko lanari. Iragan asteburuan eginiko ekimen publikoan, Redondo ez bada, «beste edozein» izan litekeela argitu zuten.

'URRALBURU AUZIA'

Olivia Balda eta Isabel Romeo hirugarren graduan dira urte amaieratik

Erredakzioa | IRUÑEA

Olivia Balda eta Ana Isabel Romeo, Gabriel Urralburu eta Antonio Aragoñen emazteak hurrenez hurren, hirugarren graduan dira iragan urte amaieratik. Hiru urteko espetxe zigorra betetzen ari dira, euren senarren esku-hartze delituan «beharrezko laguntzaile» izateagatik, eta iazko martxoaren 21etik Iruñeko kartzelan ziren.

Eguberrietan Baldak eta Romeok espetxetik ateratzeko baimen berezia lortu zuten, eta abenduaren 21tik 26ra bitartean kalean egon ziren. Bi egun geroago, Espetxe Erakundeetako zuzendaritza nagusiak hirugarren gradua eman zien, lan kontratu bana aurkeztu zutelako. Hala, bakarrik lotara joanen dira, lan egiten duten tokitik gertuen duten espetxera, astelehenetik ostegunera. Baldak hirugarren gradua Madrilan beteko du, eta Romeok, seguruenera, Logroñon.

Ez dute ordaindu Nafarroako Entzutegiak ezarri zuten 300 milioi pezetako isuna. Eta entzutegiak esan zuen ordaindu ezean beste urte bateko espetxe zigorra ezarriko zutelako. Erabakia errekurritu egin zuten Auzitegi Konstituzionalean. Hark erabaki artean, hirugarren graduan egon behar dira.

KUBA. Jaurlaritzako ordezkariak bisita amaitu dute

Euskal Herriak bere xedeak bake bidez lortzea nahi lukeela esan du Fidel Castrok

Erredakzioa | BILBO

Fidel Castrok Euskal Herria izan zuen hizpide atzo, Javier Madrazo Jaurlaritzako Etxebizitza eta Gizarte Gaietarako sailburuarekin Habanan egin dako bileran. Euskal Herriak bere xedeak «bakea baliatuta» lortzea nahi duela esan zuen.

Kubako presidenteari ez zuen Euskal Herriko gatazkaz iritzirik eman nahi izan; «Beti saiatu

baitira gai hori gure aurka erabiltzen». Nolanahi ere, Euskal Herria «asko» estimatzen duela erantsi zuen, eta bere hizkuntza eta kultur berezitasunak azpimarratu zituen. Txantxetan esan zuen euskaldunok «oso azkarrak» behar dutela izan «hain hizkuntza zaila menperatzen badute».

Eusko Jaurlaritzak hainbat garapen proiektuen bitartez Kuban egindako lana eskertu



JORGE REY / EFE
Javier Madrazo eta Fidel Castro, atzo, Habanan.

zion Fidel Castrok Madrazo sailburuari.

Madrazok eta Castrok bi herrien arteko laguntza hitzarmena sinatu zuten. Jaurlaritzako

sailburuak era honetako egitasmoetan elkar hartzeko beharra berretsi zuen.

Kubak noizten duen blokeoa «deitoragarria» dela adierazi

FIDEL CASTRO

Kubako presidentea

«Euskaldunek azkarrak behar dute izan hain hizkuntza zaila menderatzeko. Askok maite dute Euskal Herria»

«Euskadiko gatazkaz hobe dute deus ez esatea, beti saiatzen direlako gure aurka erabiltzen»

zuen Javier Madrazok, eta Aznar Espainiako eta EBko presidenteari blokearen aurka borrokatzeko eskatu zion, «giza eskubideak urratzen baititu».